



Politička organizacija građana "Naša stranka"

Branilaca Sarajeva 5/1, 71 000 Sarajevo

Telefon: 033 408 888; Fax: 033 408 881

E-mail: nasastranka@nasastranka.ba

Web: www.nasastranka.ba

Broj: _____/19
Sarajevo, 26.03.2019.

Skupština Kantona Sarajevo
Zastupnica Neira Dizdarević
Naša stranka

**BOSNA I HERCEGOVINA
FEDERACIJA BOSNA I HERCEGOVINA
KANTON SARAJEVO
SKUPŠTINA KANTONA SARAJEVO
MINISTARSTVO ZA OBRAZOVANJE, NAUKU I MLADE KS
MINISTARSTVO ZA RAD, SOCIJALNU POLITIKU, RASELJENA LICA I IZBJEGLICE KS
n/r predsjedavajući Elmedin Konaković**

PREDMET: ZASTUPNIČKA INICIJATIVA

Poštovani,

na osnovu članova 106. i 213. Poslovnika Skupštine Kantona Sarajevo („Službene novine Kantona Sarajevo - Drugi novi prečišćeni tekst br.: 41/12, 15/13, 47/13, 47/15 i 48/16) upućujem zastupničku inicijativu Ministarstvu za obrazovanje, nauku i mlade KS za donošenje zakona o uslugama porodičnog čuvanja djece.

Objašnjenje

Problem nepostojanja dovoljnog kapaciteta predškolskih javnih ustanova u KS, česta popunjenost iznad dozvoljenih pedagoških standarda, te nepostojanje uskladenih zakonskih okvira o dnevnoj skrbi djece predškolskog i školskog uzrasta sa zakonima koji proizilaze iz dobre prakse zemalja EU i svijeta, doveli su do formiranja različitih oblika dnevne brige o djeci. Osim privatnih predškolskih ustanova kao institucionalnog oblika, koji takodje teži ka velikom broju djece u grupama, formiraju se različiti pravni subjekti koji djeluju kao igraonice i vrtići, a prisutne su i brojne usluge čuvanja djece u stambenim objektima.

Ukoliko roditelj, zbog popunjenosti kapaciteta, nije u mogućnosti upisati dijete u javnu predškolsku ustanovu, ili ukoliko roditelj želi da svoje dijete upiše u grupu sa manjim brojem djece, tada upisuje svoje dijete u jedan od vaninstitucionalnih vidova brige. Najčešći odabir brige o djeci do 3 godine je zapošljavanje dadilje u vlastitom stanu ili odvođenje djeteta kod dadilje na čuvanje u njenom stanu. Osim zapošljavanja dadilje, postoji i dnevna briga o djeci u stambenim objektima, gdje se radi u grupama sa predškolskom ili školskom djecom, što dodatno smanjuje cijenu usluge. Da je takva djelatnost općeprisutna, dokazuje i broj oglasa za

čuvanje jednog ili više djece u manjim grupama u stambenim objektima na području KS. Ova praksa je prisutna i kod nas decenijama, ali se zakonski ignoriše.

Usvajanje zakona o djelatnosti porodičnog čuvanja djece bi bilo od višestruke koristi za društvo:

- Mogućnost izbora za roditelje između institucionalne i vaninstitucionalne brige o djeci
- Mogućnost brige o djeci u malim grupama od strane profesionalno osposobljenih osoba
- Uvodjenje nadzora nad uvjetima u kojima djeca borave i nad načinom rada sa djecom
- Pravna sigurnost za roditelje i pružaoce usluga
- Aktivna zaštita prava djeteta, zaštita zdravlja i dobrobiti djeteta,
- Omogućavanje samozapošljavanja jednog dijela nezaposlenih osoba i smanjenje sive ekonomije
- Približavanje zakonskim okvirima i dobrim praksama zemalja EU i svijeta.

Iako u postojećoj legislativi KS ne postoji zakon koji reguliše djelatnost porodičnog čuvanja djece, takva djelatnost je predviđena u klasifikaciji djelatnosti pod sifrom 88.91 koja se odnosi na *Djelatnosti dnevne brige o djeci*. Ovaj razred uključuje:

- *Djelatnost dnevne brige za predškolsku djecu (vrtić i slično) i dnevne brige za učenike, uključujući dnevnu brigu za djecu sa posebnim potrebama*

Nadam se da će Ministarstvo za obrazovanje, nauku i mlade KS i Vlada KS prepoznati potrebu stvaranja zakonodavnog okvira za djelatnost porodičnog čuvanja djece, a koja se već decenijama ignoriše. Kao pozitivan primjer može poslužiti susjedna Hrvatska, čije je zakonodavstvo stvorilo pravni temelj za sigurno i standardizirano obavljanje ove djelatnosti.

Ukoliko je potrebno, molim da se u izradu zakona ukljuci i Ministarstvo za rad, socijalnu politiku, raseljena lica i izbjeglice, s obzirom da djelatnost po klasifikaciji pripada oblasti socijalne zaštite.

S poštovanjem,

Neira Dizdarević

Zastupnica Naše stranke u Skupštini Kantona Sarajevo